

# Yeshua: e Palabra di Dios!!!

Awor Felipe a buska i haña Natanaèl i a bis'é: "Nos a haña Esun di Kende Moisés a skirbi den e Lei i di Kende e Profetanan tambe a skirbi. Ta Yeshua; Jesus di Nazarèt, yu di José." (Juan 1:45).

**Yeshua; Jesus di Nazarèt: e Lei di Dios Tata!!!.**

I SEÑOR a bisa Moisés: "SEÑOR Su Poder ta limitá? Awor lo bo mira si Mi Palabra lo wòrdu kumplí na bo, sí òf nò." Asina Moisés a sali bai i a konta e pueblo e Palabranan di SEÑOR. Tambe el a reuní setenta hòMBER for di e ansianonan di e pueblo i a pone nan para rònt di e Tènt. E ora ei SEÑOR a baha den e Nubia i a Papia kuné; i El a tuma di e Spiritu ku tabata riba djé i a pone e Spiritu riba e setenta ansianonan. I a sosodé ku ora e Spiritu tabata reposá riba nan, nan tabata profetisá. Ma despues nan no a hasié mas. (Numbenan 11:23-25).

**Yeshua; Jesus di Nazarèt: di Kende e Profetanan di Dios Tata tambe a skirbi!!!.**

Pasobra mira, lo bo konsebí i duna lus na un yu hòMBER, i nabaha lo no pasa riba su kabes, pasobra e mucha lo ta un Nazareo pa Dios for di den barika di su mama; i e lo kuminsá Libra Israel for di man di e filisteonan." E ora ei e muhé a bin i a konta su esposo, bisando: "Un HòMBER di Dios a bin serka mi i Su Aparensia tabata manera Aparensia di e Angel di Dios, masha Temibel. I mi no a puntra E di unda El a bin, ni E no a bisami Su Nòmber. Ma El a bisami: 'Mira, lo bo konsebí i duna lus na un yu hòMBER, i pesei lo bo no bebe biña ni bibida stèrki, ni kome nada impuru, pasobra e mucha lo ta un Nazareo pa Dios for di den barika di su mama te na e dia di su morto.'" Anto Manoa a supliká SEÑOR i a bisa: "O SEÑOR, pa fabor, laga e HòMBER di Dios ku Bo a manda bin serka nos atrobe, pa E siña nos kiko nos mester hasi pa e mucha ku mester nase." (Huesnan 13:5-8).

E ora ei Manoa a bisa e Angel di SEÑOR: "Pa fabor, pèrmití nos tene Bo poko mas pa nos por prepará un yu di kabritu pa Bo." I e Angel di SEÑOR a bisa Manoa: "Maske bo tene Mi poko mas, lo Mi no kome bo kuminda. Ma si bo prepará un ofrenda kimá, bo mester ofresé esei na SEÑOR." Pasobra Manoa no tabata sa ku E tabata e Angel di SEÑOR. I Manoa a bisa e Angel di SEÑOR: "Kon Bo nòmber ta, pa ora Bo Palabranan wòrdu kumplí nos por duna Bo Honor?" Ma e Angel di SEÑOR a bis'é: "Pakiko bo ta puntra Mi Nòmber, siendo ku esaki ta Maravioso?" (Huesnan 13:15-18).

Ta kon Felipe por bisa: "Nos a haña **Esun** di **Kende Moisés** a skirbi den e **Lei** i di **Kende** e **Profetanan** tambe a skirbi. Ta **Yeshua; Jesus di Nazarèt**, yu di José."

**Felipe por bisa esaki pasobra:**

**Yeshua ta e Palabra.**

**Yeshua ta e Poder.**

**Yeshua ta e Spiritu.**

**Yeshua ta e Tènt.**

**Yeshua ta e Nazareo.**

**Yeshua ta e Temibel.**

**Yeshua ta e Nòmber.**

**Yeshua ta e Hòmber di Dios.**

**Yeshua ta e Angel di Dios.**

**Yeshua ta e Honor.**

**Yeshua ta e Maravioso.**

Na prinsipio tabata e **Palabra**, i e **Palabra** tabata ku **Dios**, i e **Palabra** tabata **Dios**. **E** tabata na **prinsipio ku Dios**. Tur kos a bin **na eksistensia pa medio di djE**, i fuera **di djE nada** di loke **ta eksistí** no a bin **na eksistensia**. Den **djE Bida** tabata, i e **Bida** tabata e **Lus** di hende. I e **Lus ta lusa** den e **skuridat**, i e **skuridat** no a komprendé esaki. (**Juan 1:1-5**).

**24 novèmber 2019**

**Sea Bendishoná ku e Amor di Dios Tata; Yeshua Mesias**

**Un Fiel Sirbidó di Dios,**

**Remsly L Riley.**